

OKVIRNI SPORAZUM O KUPOPRODAJI
Sukcesivna nabavka i isporuka roba "LOŽ ULJA EXTRA LAKO (LUEL) prema BAS
1002 za zagrijavanje prostorija"

I SPORAZUMNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Dženan Brkanić, (u daljnjem tekstu: **Kupac**), ID broj: 4200665390008 i
2. **HIFA-PETROL d.o.o.**, ul. Hotonj bb, 71320 Vogošća, kojeg zastupa direktor, Muhamed Vrabac, (u daljnjem tekstu: **Prodavac**), ID broj: 4200999090005.

U daljnjem tekstu Sporazuma, kada se Kupac i Prodavac navode zajednički, tj. zbirno, tada su označeni kao "**Sporazumne strane**".

II OSNOV ZA ZAKLJUČENJE SPORAZUMA

Član 1.

Osnov za zaključenje ovog Okvirnog sporazuma je Ponuda Prodavca, broj: JN 148/22 od 17.01.2022. godine, a dostavljena 21.01.2022. godine i Odluka o izboru za nabavku roba, Kupca, broj: 06-11-2083-22/21 od 17.03.2022. godine.

III PREDMET SPORAZUMA

Član 2.

Predmet ovog Okvirnog sporazuma je nabavka i isporuka "LOŽ ULJA EXTRA LAKO (LUEL) prema BAS 1002 za zagrijavanje prostorija" (u daljem tekstu: lož ulje), na osnovu provedenog Otvorenog postupka javne nabavke - Obavještenje o javnoj nabavci broj: 282-1-1-61-3-28/21 od 31.12.2021. godine.

Tokom trajanja ovog Okvirnog sporazuma, sporazumne strane se obavezuju na zaključivanje pojedinačnih ugovora, na način utvrđen u obavještenju o nabavci, tenderskoj dokumentaciji, ponudi Prodavca i u skladu sa svim važećim propisima koji regulišu ovu oblast.

IV CIJENA I NAČIN PLAĆANJA

Član 3.

Ukupna vrijednost ovog Okvirnog sporazuma iznosi 146.859,31 KM sa PDV-om.

U ukupno navedeni iznos iz stava (1) ovog člana uračunat je popust od 1% i taksa za naftne derivate u iznosu od 1.400,00 KM.

Popust od 1% iz stava (2) ovog člana je nepromjenjiv za vrijeme trajanja ovog Okvirnog sporazuma.

Ukupna plaćanja po osnovu svih pojedinačnih ugovora zaključenih po ovom Okvirnom sporazumu ne mogu prelaziti ukupnu vrijednost Okvirnog sporazuma iz stava (1) ovog člana.

Član 4.

Prodavac se obavezuje na nepromjenljivost ponuđenih cijena tokom ugovorenog perioda, osim u slučajevima promjene cijene na svjetskom tržištu ili promjena vezanih za zakonske obaveze. o kojima je neophodno odmah pismeno izvjestiti Kupca, tako što će dostaviti OPC obrazac za benzinske pumpe u Federaciji BIH, a za benzinske pumpe na području RS odgovarajući dokument.

Član 5.

Kupac će tokom trajanja ovog Okvirnog sporazuma za naručenu količinu lož ulja izvršiti plaćanje po ispostavljenim fakturama, ovjerenim od strane Kupca, u roku od 30 (trideset) dana od dana prijema računa i to uplatom na račun Prodavca, broj: 3385502203296597 otvoren kod UniCredit banke d.d. Mostar, na osnovu dokumentacije o isporučenom lož ulju, a u skladu sa zaključenim pojedinačnim ugovorima iz člana 2. stav (2) ovog Okvirnog sporazuma.

V KOLIČINA LOŽ ULJA

Član 6.

Maksimalna količina lož ulja, koja može biti isporučena tokom važenja ovog Okvirnog sporazuma iznosi do 140.000 litara, u skladu sa Obrascem za cijenu ponude, koji je dat u ponudi Prodavca, a koji je sastavni dio ovog Okvirnog sporazuma.

VI KVALITET LOŽ ULJA

Član 7.

Prodavac se obavezuje da posjeduje certifikat/potvrdu o kvaliteti lož ulja izdatu od nadležnog ovlaštenog organa u Bosni i Hercegovini, te da će osigurati kvalitet lož ulja u skladu sa važećim standardima.

VII ROK I MJESTO ISPORUKE

Član 8.

Prodavac se obavezuje da će na zahtjev Kupca prema njegovim potrebama isporučiti lož ulje, najkasnije u roku od 72 sata, što će se definisati pojedinačnim ugovorima iz člana 2. stav (2) ovog Okvirnog sporazuma.

Mjesto isporuke lož ulja je Kanton Sarajevo, Kantonalna uprava civilne zaštite Kantona Sarajevo, i to: vatrogasna ispostava Stup, ul. Briješčanska br. 12, vatrogasna ispostava Vogošća, ul. Izeta Delića br. 22 i vatrogasna ispostava Hadžići, ul. Igmanska br. 34.

VIII PRIJELAZNE I ZAVRŠNE ODREDBE

Član 9.

Prodavac nema pravo zapošljavati, u svrhu izvršenja ovog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju sporazuma, odnosno od početka realizacije sporazuma.

Član 10.

Na ostala prava i obaveze sporazumnih strana, koja nisu regulisana ovim Okvirnim sporazumom, primjenjivat će se odredbe Zakona o obligacionim odnosima.

Član 11.

Ovaj Okvirni sporazum se zaključuje na period od 4 (četiri) godine od dana obostranog potpisivanja ili do vrijednosne realizacije Okvirnog sporazuma iz člana 3. stav (1) ovog Okvirnog sporazuma.

Član 12.

Sporazumne strane mogu raskinuti ovaj Okvirni sporazum i prije njegove same realizacije ukoliko se jedna od strana ne bude pridržavala njegovih odredbi, uz prethodno izmirenje svih obaveza utvrđenih po ovom Okvirnom sporazumu.

Otkazni rok po ovom Okvirnom sporazumu je 15 (petnaest) dana, a po isteku ovog roka, Okvirni sporazum se smatra raskinutim, a o otkazu sporazumne stranke se obavještavaju pismenim putem.

Član 13.

Sporazumne strane su saglasne da će sve nesuglasice i sporove, koji eventualno mogu da proisteknu iz ovog Okvirnog sporazuma, prvenstveno nastojati riješiti sporazumno, a ukoliko to ne budu moguće, nadležan je Općinski sud u Sarajevu.

Član 14.

Ovaj Okvirni sporazum je sačinjen u 6 (šest) istovjetnih primjeraka od kojih 3 (tri) za Kupca, 3 (tri) za Prodavaca.

Član 15.

Sporazumne strane su saglasne da su ovaj Okvirni sporazum pročitale i razumjele, te ga u znak saglasnosti potpisuju.

ZA PRODAVCA
HIFA PETROL d.o.o.


Muhamed Vrabac



ZA KUPCA
KUCZ
OR


rkanić



Broj: 2131/22
Sarajevo, 22.04.2022. godine

Broj:06-11-2083-24/21
Sarajevo, 18.04.2022. godine

